

Berita Bahá'í

SARAWAK

Bala Nabi enggau Seruan Petara udah dikirim ke dunya
enggau siti tuju aja ianya ngiring bansa mensia nengah
Menasan Pengamat.

Bahá'u'lláh

13 July 2009 Bulan Kalimát/Leka Jaku Issue no. 3 BE 166

Jaku Pengibun
Pengarap, Shoghi
Effendi ti
dikenang dalam
Pesan Ridvan
2009

*Tu mih
raban ti
nemu
pemesai
pengulih ti
disikap ba
iya sereta
nemu
tangkap
pengawa ti
ditaga
lebu ti
nirika baru
dunya ti
udah pecah.*

Program Pemansang Dedat PUSIN KEDUA DI SIBU

Seminggu bekau ti ngatur
aum ninjau dia bala
pangan di Sibu mujur
ngelancharka program
pemansang dedat pusin
kedua kena 17 haribulan
Tujuh 2009.

Lebih-kurang 20 iku bala
pangan ari Sibu Jaya
enggau SMK Luar Bandar
sereta enggau sida ari
pasar Sibu sama begelumu
di Centre maya pengerami
tu lalu program berengkah
enggau serumpu sambiang
enggau jaku pengelalu ari
Komiti Ngajar Sitak Menua
enggau Kaban Penyanding
Annie Tan. Uдах nya sida
bisi belajarka sekeda
genteran ari surat ari

Rumah Pengelurus Serata Dunya enggau belatih ngajar ngena Chara Anna.
Kumpulan ngajar bisi digaga mungkur lima iti tempat ti udah ditetapka dulu.
Ba lemai ti ketrubah dia sida bulih tujuh iku orang baru ari kawasan
Kemuyang. Saminggu udah nya bisi empat iku nemiak ari SMK Luar Bandar
mega bisi nerima Pengarap. Ba pengujung timpuh pengerembai nya dia sida
di klaster Sibu bisi sebelas iku orang baru nerima Pengarap.



Jaku gerah: Klaster ti disadang ngelancharka
Program Pemansang Dedat dalam **taun 2009** ianya
Gedong kena 25 Haribulan Tujuh, **Asajaya** 28 Haribulan Sebelas enggau
Betong 12 Haribulan Duabelas
Bala pangan ti diau ba klaster tiga iti tu diperansang meri sukung penuh
ngagai Council Bengkah Menua ti benung gawa enggau bendar nentuka juluk
ati tu ulih dikamatka.

Klas nembiakmit BARU di Stutong, Kuching

Ari riput ditulis Parvani Sivalingam

Siti klas nembiakmit ti baru udah mujur diatur di Stutong. Klas tu mih ia ti ketrubah diatur kami ngena Bahasa Melayu. Taja pen hari balat bendar panas ngalihhari nya tang bala pangan ti datai semua ngasai ka diri gagit ati deka berengkah belajar.

Aku ngasai ka diri gaga bendar ati sereta teperansang laban ti bisi peluang ngajar klas

nembiakmit lalu aku mega ngasaika diri endang enda nemu leju ngajar. Peluang ti manah baka tu ulih dikena kitai ngubah manah ka agi perangai sida ti belajar ngicha ka sida ulih nyadi arus ti mai ubah di dunya tu ari ti meretika asil jaku ti disebut sida enggau pengawa ti dikereja sida.

Kami arapka diri ulih menyalaika tanggungpengawa diri gawaka Pengarap ari ti ngajar klas bakatu.



BAUM DI RANCHAN

Bahá'í Council Selatan ngatur retreat ba Ranchan ke bala kaban Komiti Pemansang Sitak Menua klaster ti disadang ngelancharka program pemansang dedat dalam taun tu.

Sembilan iku kaban Komiti Pemansang Sitak Menua ari tiga iti klaster, ianya Gedong, Asajaya enggau Betong, bisi datai enggau ngulu aum tu.

Nambahka bisi 5 iku kaban Council Selatan dia, tiga iku kaban Raban Gelumu Sambiang Bansa, tiga iku Kaban Penyanding sereta enggau National Coordinator mega bisi datai.

Maya aum tu dia sida belajarka Pesan Ridvan 2009, macha sekeda berita ari *Reflections on Growth*, belajarka surat ari Pusat Ngajar Antarabansa kena 30hb Sembilan 2007 sereta mulaika pengingat ngagai juluk ati ti udah ditetapka lebu may aum besai dalam Bulan Duabelas tu kemari.

Tukang Wang Raban Gelumu Sambiang Bansa mega bisi

meri jaku peransang minta bala kaban Komiti Pemansang Sitak Menua sama bela mantu ngajar bala pangan ba tumpuk diriempu meri ngagai duitpan Bahá'í.

Berindik ari jurai sida maya retreat tu dia Council Selatan Sarawak netapka haribulan endur ngelancharka program pemansang dedat ke klaster tiga iti tu, ianya Gedong kena 25hb Tujuh, Asajaya 28hb Sebelas lalu Betong 12hb Duabelas 2009.

*Bahá'u'lláh madah
semua menua patut
nyadi siti dalam
pengarap lalu semua
bansa mensia baka
diri menyadi;
Kaul pengerindu
enggau penyerakup
antara anak mensia
patut dikeringka,
lalu penyelai agama
patut dipunaska, lalu
penyelai bansa siti
ari bansa siti dibuai.*

Kem Nembiak di Simunjan

Riput ari Witson Joseph

Kena 8-11hb Enam tu tadi Komiti Nembiak enggau Komiti Pemansang Sitak Menua Simunjan bisi ngatur kem Nembiak di Kampung Temiang. Bisi 27 iku bala nembiak beumur antara 10-18 taun ngulu kem tu. Sida ti nyadi fasilitator enggau tutor ianya Tracy Edil, Pamela Joseph, Zareen Chom, Tania, Nicholas Buran enggau akuempu.

Dua keluarga ba kampung tu nyendiaka tempat endur nembiak tinduk, ianya sida ti indu diau ba bilik En. Chom lalu sida ke lelaki diau ba bilik Tuai Rumah Hipong.

Pengelama empat hari tu program kami nyengkaum begulai belajar Bup Ruhi 1, 2 enggau 6. Sekeda nembiakmit mega bisi belajar ngena bup Bayu-bayu Pengesahan enggau Bibit-bibit Harapan. Sida ti bedau ulih nembuka bup sida maya kem tu besemaya deka nampung

pelajar sida maya begulai belajar lepas kem tu. Malam penutup kem tu dia bala pangan mantaika pengelandik diri main drama enggau belagu. Bala orang kampung, tuai enggau biak semua bela datai sama berami ba Bahá'í Centre. Kami semua rindu bendar ati meda bala nemiak bejoget rindu ati begulai enggau bala sida aki-ini.

Pemesai guna ngangkatka pelajar kudus ba bala nemiak sekula

Berengkah ari taun Bahá'í 166 tu dia Raban Gelumu Sambiang Bansa nguji maduka siti komiti ti diberi tanggaungjawab ngangkatka bala pangan ti gawa nyadi pengajar ba sekula, baikka ba tadika, sekula rendah tauka menengah tauka pensyarah ba kolej enggau universiti, ngambika sida ulih ngulihka pengelandik dikena ngangkatka sumber mensia ari beratus-ratus bala anakmit enggau nemiak Bahá'í di seluruh menua tu.

Dalam Bup Kudus Iya, dia Bahá'u'lláh bisi nulis munyi tu: "Kami udah nangkan semua mensia ngereja pengawa ti ngangkatka Dunya Petara ba antara bala kuli Iya, lalu pia mega, ngagai pengangkat dunya mensia enggau semengat sida. Ngagai tuju tu, pekakas ti pemadu ngasi ianya meri pelajar ngagai anakmit. Ba tuju tu semua mesti bepagut teguh. Kami amat bendar udah ngeletak ka

Pengerami ngintu ulangtaun ke 700 diintu ba Rumah Sembah Bahá'í



Kena 1hb Enam taun tu, Rumah Sembah Bahá'í di Langenhain, Germany, dipilih nyadi tempat endur ngintu pengerami ulangtaun bejadi menua tauka negeri Hofheim ke 700. Datuk Bandar negeri Hofheim begulai enggau lebih-kurang 300 iku orang ari negeri nya begelumu ba Rumah Sembah tu ngulu pengerami ti endur sida bisi ngatur sambiang ari gereja Kristian begulai enggau sambiang ari koir orang Bahá'í. Siku orang Bahá'í ti enggau ngulu pengerami madah, berengkah ari pun program besambiang dia orang ngasaika pengawa tu nyelai ari pengawa bukai. Uдах sambiang tembu dia lama orang nadai engkeretik. Nangkanka nya dia siti pengerami belagu bisi diatur ba Bahá'í Centre ti enda jauh ari Rumah Sembah nya. Koir Bahá'í belagu merindang ati beratus iku bala temuai ti datai ari pemesai opis perintah enggau orang ari gereja Kristian.

tanggaungpengawa tu ba nuan dalam Papantulis enggau Bup Pemadu Kudus Aku. Beberekat meh iya ti nginging nuju pekara tu."

"Tekanka kuasa runding enggau peneka kita ngagai pelajar ke semua bansa mensia di dunya tu, ngichaka penyarut ti magi-belah ulih, ngena kuasa Nama Ti Pemadu Bekuasa, dibuai ari dunya tu lalu semua bansa mensia nyadi penyukung siti Atur sereta nyadi rayat sebuah Negeri."

Dikena ngepunka pengawa tu dia Komiti Pengajar Sekula deka ngatur SEMINAR PENGAJAR SEKULA kena **22-24 hb Lapan 2009. di Kuching.**

Tempat endur aum agi benung diperunding lalu bedau ditetapkan.

Semua orang Bahá'í ti gawa nyadi pengajar sekula di sereta menua Sarawak, baikka di menua pesisir enggau ulu sungai tauka di negeri dipinta datai ngulu seminar tu.

Aram kitai belajar pasal Huqúqu'lláh

Enti kitai mulaika pengingat dia kitai nemu undang-undang Huqúqu'lláh tauka Ungkup Petara tu berengkah dikena sereta dipejalaika raban Bahá'í di menua adap kitu dalam taun 1992. Berengkah ari Ridvan 1992 nyentukka Ridvan 1993, enti kitai ingat ianya Taun Kudus, ulangtaun ke 100 pengudah Bahá'u'lláh ninggalka dunya tu.

Siti ari pekara ti deka dikenang kitai ditu ianya bakani Huqúqu'lláh ulih mantu mai pengerai ngagai dunya ti balat bendar sakit baka diatu. Siti ari penyakit ti nyata bendar dipeda ianya bida menua ti kaya –raya enggau menua ti miskin-papa. Huqúqu'lláh ti dibayar kitai ianya siti ari jalai orang ti kaya nyalurka bantu sida ngagai orang ti kelalu miskin.

Undang-undang tu dikena bakatu: lebu kitai udah mayar semua belanja diguna dalam pengidup kitai baka meli pemakai, kain-baju, mayar belanja sekula, enggau mayar rumah, dia sebagai ari duit ti belebih nya tadi ukai enggi kitai tang enggi Petara—Ungkup Petara. Nya-alai kitai patut mulai ngagai Petara bagi Iya ngambika bisi dikena mantu orang ti kurang benasib. Kitai patut ngasai ka diri gaga bendar ati mayar Ungkup Petara laban ari nya kitai ulih ngeringka sistem ti berindik ba kaul ti manah lalu ulih ngurangka pemerinsa enggau penusah ba dunya tu.

Mayar Ungkup Petara nya lain mimit ari meri ngagai Duitpan Bahá'í. Sekeda ari kitai nyangka kala meri ngagai duitpan berengkah ari umur kitai agi biak. Tang meri ngagai duitpan ianya meri duit ti dipenggi kitaiempu. Kitai berantu meri utai ti udah diberi Petara ngagai kitai. Lebu kitai mayar Ungkup Petara, kitai ke bendar ianya mulaika sekeda ari utai ti dipenggi Iya. Kitai nya ukai meri utai ti enggi diriempu.

Undang-undang Ungkup Petara patut dititihka kitai lebu umur kitai udah manggai 15 taun, baka undang-undang Sambiang Ansak enggau puasa. Siti ari chara kitai nemu ni bagi ti patut dibayar tauka enda ianya ngelala tauka magi ni bagi utai ti diguna lalu ni bagi ti dikinginka kitai. Kelala ni utai ti diguna ti patut dibayar lalu kelala mega ni bagi utai ti enda tentu beguna tang kitai rindu ati deka meli tauka bempu barang nya. Enti kitai nemu chara magi dua bengkah utai tu retinya kitai udah ngembuan runding ti tuai pasal barang ti diguna enggau barang ti enda tentu beguna.

Orang Bahá'í di Sarawak benasib bendar laban pengidup kitai tau dikira sedang-sedang—enda kelalu miskin lalu enda mega kelalu kaya. Nya-alai enti kitai deka berantu meri ngagai duitpan, kitai ulih lalu pia mega enti kitai deka mayar Ungkup Petara, kitai mega dijangka ulih.

Berekat
enggau
pengasih
Petara ti nadai
disekat endang
deka dipanjah
ba sebarang
sapa ti
bepeluang,
dalam rambau
tu, nyerah ke
diri gawa
ngagai
Pengarap
Petara lalu
nyua-nyerahka
Ungkup
Petara, laban
asil ia ti
manah sereta
buah ia tetap
deka meruan
mengkang
belama se-agi-
agi perintah
Petara ba
dunya enggau
serega agi
entap.
Ari bup
Huqúqu'lláh